

السيرة النبوية -الدرس الأول- العالم قبل الإسلام

أحمد عامر

الحمد لله والصلوة والسلام على رسول الله صلى الله عليه وسلم. هنتكلم عن السيرة. ونحاول ان احنا نمشي في رحلة لمدارسة السيرة النبوية. واول حاجة ان احنا آآ نقف معه هو ليه؟ عشان بس نبقى يعني ماشيين صح. آآ لان في ناس ممكن تبقى سمعت السيرة قبل كده. سمعت كلام - 00:00:00

عن حياة النبي صلى الله عليه وسلم او حتى قريتها كمان كلها من اولها لآخرها. وسمعت قصة الاسلام ازاي بدأ والصحابة وازاي شالوا الدين ده واللي حصل لهم والهجرة وما الى ذلك. فيقول لك اانا - 00:00:20

يعني ما اانا عارف الكلام ده وكده. فهنا نقطة مهمة قوي. ليه بندرس السيرة؟ هل الهدف ان هي معلومات اعرفها وبس؟ نفس الغلطة اللي عند آآ يعني اللي قرا القرآن مرة عارف فكرة اني قريت القرآن اقراه تاني ليه؟ هو يا جماعة الكلام ده مش عشان تعرفوا كمعلومات اولية وان كان ده هدف ااسي - 00:00:30

ده هو انت في مشكلة كبيرة جدا لما اانا اجي اقول لواحد النبي صلى الله عليه وسلم كان عنده كام بنت مش عارف الصحاب الفلانى اللي هو من العشرة المبشرين بالجنة مش عارف. لأ انت كده عندك مشكلة في اسلام وان وان. انت عندك مشكلة في اساسيات دينك. انت في معلومات سطحية. يعني سطحية يعني قصدي - 00:00:50

مش وزنة بسيط قصدي من على الوش. مش عندك دي دي مشكلة. دي مشكلة. وبالتالي ده هدف طبعا. طبعا انك تعرف الوحيد هدفي الاساسي الاسي او خلينا نقول في هدفين كبار هما اللي احنا عايزين نعيش معهم. الهدف الاولاني هو ان انت اانا عايز اعرف اانا - 00:01:10

انت عايزني ابقي مسلم يعني ايه مسلم؟ وربها لي. يعني هي موجودة في الوحي. آآ بس اانا عايز اشوفها. هو هي دي السيرة. عارفة بقول لك ربنا يريد مننا الاستسلام. ربنا يريد مننا العبودية. ازاي؟ احنا نقدر نسأل عندهنا تصورات كده. طب انا المفروض تبقى علاقتي ايه بالدنيا؟ علاقتي ايه بالفلوس؟ طب آآ طب اتجوز - 00:01:30

طب اجوز ازاي؟ اعيش ازاي؟ طب طب اتعامل مع الناس ازاي؟ طب انت المفروض يا رب العباد عندي تبقى عاملة ازاي؟ كل ده اللي ربنا يريده منك يا مسلم. كل ده موجود في - 00:01:50

السيرة بقى السيرة بتوريك مش بس النبي صلى الله عليه وسلم. ناس الصحابة كمان ناس طبقوا الاسلام ده. هتعرف منهم اللي يعني ايه الاسلام؟ الاسلام بيقول لك لازم يبقى عندك اخلاق - 00:02:00

ايه هي وتبقى عاملة ازاي؟ عبادتك لازم يبقى حجمها قد ايه؟ اه يعني المفروض اضحى ولا المفروض اشتغل ولا المفروض اسافر ولا المفروض السيرة جاوب على كل حاجة لها علاقة بازاي تبقى مسلم. وبالتالي السيرة جاية تقول لك فضي بقى اللي في دماغك ده. واعرف يعني ايه اسلام. يعني ايه مسلم. فانت الهدف من - 00:02:10

السيرة مش ان انت تعرفها الهدف ان انت تفضل تعيش معها زي القرآن كده تفضل تلف وتدور معه تفضل تلف وتدور مع القرآن عشان حاجة واحدة بس ايه هي؟ عشان توصل لممرحلة ان انت آآ اه ده النهاردة ربنا بيقول لي كزا اه ده انا العترة الفلانية دي مواجهاني في حياتي ده السيرة بتقول لي - 00:02:30

ده المفروض كنت اعمل فيها كزا. اه ده النبي صلى الله عليه وسلم هنا عمل كده مش كده. بيقى انا كان المفروض اعمل كزا مع الفلان ده في المشكلة اللي ما بيني وبينه في الموضوع ده. السيرة بتعلملك ازاي تعيش - 00:02:50

وبتوريك وبتفهمك احداسك اليومية زي القرآن بالزبط. السازج اللي فاكر ان انا عايز بس من السيرة ان انا اه يا عرفة اعرف اسم الصحابة لـأ انا عايز افکر کده وانا بدرس السيرة زي ما انا بقرأ سورة في القرآن الموقف ده المفروض اعمل فيه الابتلاء بتاعي ده كان المفروض اصبر عليه ازاي - 00:03:00

الحنة دي اقيمها ازاي؟ اخد القرار ده بناء على ايه؟ بناء على السيرة الوحي بيقول لك ايه هو الاسلام والسيرة بتوريه لك؟ فده هدف ااسيي الهدف الثاني زي ما قلت لكم في هدفين ااسيي عندي يعني. هو انا عايز انا عايز اتغير. انا عايز اخش الجنة. لازم - 00:03:20

يدافع لازم يبقى عندي ايمان انا عايز اولد الايمان الكلام عن النبي صلى الله عليه وسلم وعن الصحابة وعن حقيقة الدين ده. وعن هيئة الرجال اللي شالوا الدين ده وعن حقيقة ايه اللي حصل في الدين ده؟ وعن مين هم اجدادي الاساسيين الحقيقيين مش ايرون مان وكابتن امريكا وسوبر مان - 00:03:40

وباتمان الحقيقيين لما انا لما انا باتعرف عليهم بشوف نفسي ويبقى عندي هوية ويبقى عندي ايمان ويبقى عندي دافع معرفة النبي صلى الله عليه وسلم حاجة وحبه حاجة تانية خالص. حبه بيجي بالكلام عنه. بتلاقي الواحد انت بتقعد واحدة مسلا انا نفسي اخد خطوة في الحجاب انا - 00:04:00

نفسی اصلی انا نفسی ابطل زنب معین. ده کله محتاج دفعۃ ایمان. ساعات کلام عن ربنا بيعمل فينا کده. ساعات کلام عن الآخرة بيعمل فينا کده. والكلام عن النبي صلی الله عليه وسلم بيعمل فينا کده برضو. فمن اسسیات اهداف انا افضل عايش مع السيرة ان انا افضل عندي ایمان يساعدني التغير. عشان کده هي مش حاجة تتعمل - 00:04:20

مرة واحدة وخلاص زي القرآن برضو. افضل اروح واجي وراه. عشان يفضل يحمسني ويخواني ويشجعني ويطمنني. السيرة بتعمل کده. کلام عن اعظم الخلق النبي صلی الله عليه وسلم بيخلی الواحد بيقى عايز ياخد خطوة يتھمھس بيتشحن عشانه صدقوني - 00:04:40

اه واحنا بندرس السيرة وبنتكلم في احداس وایه اللي حصل وایه اللي راح وایه اللي جه. تلاقي نفسك خرجت انا عايز ابقي احسن. هو الايمان المسلم بيتحرك کده. الايمان بيتولد کده - 00:05:00

بالكلام عن حاجات غبية او حاجات زي النبي صلی الله عليه وسلم او معرفة ربنا سبحانه وتعالى. فمحتاج تفهم ايه؟ احنا ليه بندرس السيرة؟ مش تبقى قاعد تسمع دردشة وحكاوي وتسالي. احزر من ده وكان لازم نبدأ به يعني. طيب قبل ما نتكلم عن السيرة قبل ما نتكلم عن تفاصيل - 00:05:10

النبي صلی الله عليه وسلم ونشاته وایه اللي حصل؟ والوحى لما نزل لازم نفهم الواقع بتاع العالم كان عامل ازاي. ودي دائمًا حاجة بيببدأوا بها وده صح. عشان لما اجي اقول لك الروم والفرس - 00:05:30

والحرب دي ساعات کده ما يعني ايه انت ما عندكش الخلفية دي هيقول لك ايه هنحارب الروم انت زبالك ماشي الدولة هتحارب دولة لأن انت مش فاهم يعني ايه لازم يصل لك - 00:05:40

لما نيجي يقول لك الكفار والاصنام انت مش قادر تستوعب يعني ايه الكفار والاصنام؟ ازاي كانوا يعني الاصنام بالنسبة لهم ايه؟ طب العالم كان عامل ازاي عشان افهم لما نيجي نقول ساعات كثيرة نقدر نتكلم عن شخصية الرجل العربي اللي هو نزل عليه الوحي اللي هو ربنا اختاره. اشمعنى دول؟ طب هم كانوا عاملين ازاي؟ ده کلام ناقصنا - 00:05:50

فينسمعه کده ونعديه وما نفهموش. يعني ساعات يحصل موافق کده في السيرة نفسها بعد ما نتفرج عليها تقول هم ازاي عملوا کده؟ ده عشان هم اصلاً كانوا عاملين کده. لو فهمت دي تفهم دي. فهم قوي ان احنا ناخد خطوة کده النهاردة. درس خفييف سريع. عشان بس نقطة هو العالم كان عامل ازاي قبل اسلام - 00:06:10

امسك حته کده. اول حاجة العلم كان منقسم كخريطة يعني. خلاص؟ فكان فيه الروم امبراطورية الروم دي اللي هم بيسموها البيزنطية عشان ايه الالفاظ دي لو سمعتها. خلاص؟ طيب الروم دي اللي هي فين يا جماعة؟ اللي هي اللي هي حته اوروبا دي.

ماشي؟ اللي فين بقى؟ اللي شايف معي خريطة العالم؟ ده احنا عندنا - 00:06:30

وافريقيا واوروبا والامريكتين واستراليا. استراليا والاميريكتين دول ما كانواش اصلا مكتشفين. فاحنا ما عندناش احنا عندنا اسيا وافريقيا اوروبا. طب الروم دي فين؟ الروم دي يا جماعة كل الحلة دي. اوروبا بس لأ. اوروبا وجزء كبير جدا من افريقيا. يعني اللي بيحكم مصر كانوا وتونس - 00:06:50

وكل ودول افريقيا دي كلها مع دول اوروبا دي كلها اللي هي بقى فرنسا وسويسرا كل ده الروم. عاصمة الروم كانت تركيا اللي هي اسطنبول اللي هي القسطنطينية. ودي كانت العاصمة. اه فالروم دي دولة ضخمة جدا جدا جدا. وكان عارفين - 00:07:10
ده زي ما بنشوف في الافلام كده جات بتاعتهم. نفس القصة ان هو في امبراطور وهو اللي بيحكم. وطبعا احنا بنتكلم دلوقتي قبل النبي صلى الله عليه وسلم لما بعث ده كان في - 00:07:30

القرن السادس يعني ستمية وحاجة. فالروم دي كلها دولة مسيحية دلوقتي. المسيحية على التحريف اللي هو بتاع يا اما عيسى ابن الله يا اما لأ العيسى هو الله في صورة بشر. دي النقطة بتاعة آآ دولة الروم. كان حجمها قد ايه؟ وعاصمتها ايه؟ وديانتها ايه؟ وطبعا آآ المسيحية - 00:07:40

عرفها اللي هي آآ اي هي حقيقة عيسى والсалوس وابن الله ولا الله والارثوذكس والكاثوليك والكنيسة والكلام ده كله. آآ وزي ما بنشوف برضه في التصورات عنهم في الافلام والمسلسلات وكده زلم وقهوة وضرائب والكنيسة متحكمة - 00:08:00

في الناس والملوك وطبقة الجنود ورجال الدين هم اللي واكلين كل حاجة والشعب مفحوت ويجرروا ياخدوا منهم المحاصيل ويحرقوا ارضهم ففي في كمية زلم رهيب. وفي كمية فجوة بين الطبقات رهيب. وفي لهو بقى وطرف والشهر والرقص والشرب ازاي بالزبط - 00:08:20

بيصوروهم هم فعلا كانوا عاملين كده. هم كانوا في قمة الغفلة. دي امبراطورية الروم. وفي بقى على يمينها بقى امبراطورية الفرس. على فكرة الروم دي جاية هي الحد حتى الشام يعني حتى في الدول العربية بتاعة النهاردة كانت الروم واحدة الشام كلها. الشام يعني فلسطين والاردن وسوريا يعني انت فاهمين - 00:08:40

مین كل ده الروم؟ الناحية الثانية بقى كل ده الفرس. كل ده الفرس اهو والعراق بقى وانت طالع فوق وكل الدول الاسيوية اللي هي بقى آآ اي بقى استاد بقى افغانستان كازاخستان آآ الدول دي كل ده الفرصة. وعلى فكرة انت لما تبع في الخريطة ده اكبر من ده كمان. كانت اكبر كمساحة. الفرس - 00:09:00

كانت مختلفة عن الروم في الديانة لأن زي ما دي كانت فيها المسيحية هناك كان بيقول لك المجنوس. يعني ايه المجنوس يا جماعة؟ يعني مش بنقول بيعبدوا النار بس هي مش النار بس يعني - 00:09:20

عقيدتهم انهم بيعبدوا الطبيعة او القوة الطبيعية للهوا بقى والماء والنار والقصص دي. بس النار كانت عندهم هي اعظم حاجة. النار كانت عندهم هي اهم حاجة ولازم بقى كل يوم يولعوا النار ويسلاموا للنار بس كان عندهم الفلسفة دي انه ده الله الشر وده الله الخير - 00:09:30

ودي النار ودي الماء وده مش عارف ايه وده كذا. فدي امبراطورية الفرس. اللي هي كانت اه مختلفة شوية عن الروم لأن هي كانت اوحش كانت زلم اكتر. كانت قهر اكتر. ليه بقى؟ لأن هم بقى بالنسبة لهم الملوك دول جايين من الالهة بقى على طول. فكان الموضوع ماشي - 00:09:50

في حلة انه ايه ده! ده احنا ما لنا! احنا الة اصلًا! في بقى كمية استعباد وتحكم في الشعوب بشكل فظيع! فكانوا اصعب كمان من الروم. وبعد كده عندك ايه تاني؟ فاضل بقى على يمين الروم كده على يمين الفرس كده الهند. الدولة الهندية - 00:10:10

والصين بقى فده اللي فاضل هنا في العالم. الدولتين دول كانوا في حالهم بالذات لما بنتكلموا على الهند في انقطاع كده عن الدنيا يعني يعني فاهم مش زي الفرس والروم بيحتكوا بالعالم وممكن يطلعوا يغزوا وممكن يطلعوا حروب وممكن يطلعوا سفر وممكن

يطلعوا يقولوا لك الدولة بالزات الدولة الهندية دي كانت في انقطاع - 00:10:30

عارف قافلة على نفسها كده. بس كانت دولة غريبة جدا كل ما اقرا في الدولة دي كانت عاملة ازاي دولة غريبة جدا. اولا طبعا زيها زي دلوقتني ديانات وثنية. اصناف - 00:10:50

والله وكده. واي حد راح شرق اسيا اي حاجة في اسيا سواء كانت تайлند ولا اندونيسيا حتى اللي هي الدول المفروض ان هي دول مسلمة حتى لو ماليزيا حتى لو - 00:11:00

او اه فيتنام حتى لو دايما في الالهة والمعابد والتمثال الفيلي اللي طالع منه رجل والمتش عارف ايه. هم عندهم فكرة الاصنام والله دي كتير جدا جدا. وانه لما انت بتموت بترجع تاني في صورة حاجة تانية وآآ ديانات وثنية رهيبة بس العجيب كان -

00:11:10

اه اه تقسيمة الحياة الاجتماعية بتاعتهم. يعني احنا قلنا الحياة الاجتماعية في الفرس والروم كان فيها بزخ وكان فيها ترف وكان فيها لهب ونحاول وكان في فكرة الاستعباد والظلم والضرائب والقهر دا آآ دا احنا - 00:11:30

عارضين انه كان موجود. اه انما الدولة الهندية كان فيها حاجات غريبة اويء. مبنية على اساس الدين. يعني ايه مبنية على اساس الدين؟ يعني طب الشعب متقسم اربع طبقات. الشعب متقاسم امتى واحد من اربعة؟ يا ده يا ده يا ده بناء على ايه؟ بناء على ان ربنا بقى خلقنا كده يعني بالنسبة لهم يعني. آآ في بقى - 00:11:50

اول طبقة اسمها البراهمة. دي بقى الكهنة. هم دول رجالهم دول. دول اعلى ناس في في الشعب. وبعد كده في طبقة الجنود وطبقة التجار وال فلاحين واصحاب يعني الصناعات والاعمال والbizness مان وبعد كده بيسموهم الخدم اللي هم - 00:12:10

بيسموها الشور الللي هم طبقة ايه؟ الشعب. بقية الشعب. طب ايه المشكلة؟ المشكلة انه بناء على تقسيمة بالنسبة لهم هم دينية يعني هو بيتولد يتقال له احنا احنا والله احنا اقينا نفسنا خدم احنا كده. احنا في الخدم. احنا في البراهمة في الكهنة. ايه بقى المشكلة؟ يقول لك اول طبقة دي هي اللي بتملك - 00:12:30

وما حدش يقدر يتكلم معها. وهي صاحبة كل حاجة. لا ده هو مسلا لو لو قتل واحد ما بيتحاكمش. آآ ما فييش حاجة اسمها انه بيعغلط. دول اصلا الله عربية - 00:12:50

طب طب كارسة مين اللي خلى كده فين دليلك؟ مين اللي عمل ده اصلا؟ تخيل بقى واحد معه معي اتولد في طبقة الخدم. مين انت؟ انا واحد من يعني ما لكش انك تحكم. ما لكش انك تملك. ما لكش انت انت زليل وانت انتكتب عليه كده. سلام عليكم. حاجة عجيبة فعلًا الواحد يصحى يلاقي - 00:13:00

نفسه كده ويرضى بكده. مشكلة الهند كمان كانت في الانحطاط الديني يعني يعني هو مش المشكلة في العقيدة بس الوثنية لا يعني تلاقيهم بقى يعني زي ما دلوقتني ادانا طبعا البوزية منتشرة وعبادة البقر وعبادة الحيوانات حاجات كده غريبة. حاجات كده صعبة جدا انه الانسان يقبلها بس. وعلى فكرة - 00:13:20

الباقي ده موجود طبعا للأسف يعني. فاحنا هنا بنتكلم في سريعا في العالم كان عامل ازاي تبقى فاهم من كلامنا ده مبدئيا انه الفرس كانت حاجة كبيرة قوي. ضخمة قوي. والروم حاجة كبيرة قوي. ضخمة قوي - 00:13:40

ونقول اللي بيحكموا العالم هم دولتين ماسكين العالم كله من اوله لآخره. اما الهند حاجة مفولة عليها. الصين حاجة برضو بعيدة قوي. احتاكاها بها حتى في السيرة قليل جدا احنا ما لحقناش نطلع لهناك في السير. آآ طب فين احنا بنتكلم على العرب والسير وقريش دي حته صغيرة قوي لسه جايين لها دلوقتني بس - 00:14:00

بس المهم انك تشوف العالم وهو آآ بعيد وهو مضلم. اصل آآ سيدنا عيسى ربنا رفعه الكلام ده بقى له قد ايه؟ بقى له ستمية وخمسين سنة. بقى له كتير قوي العالم من من غير وحي. من غير رسول. فقلب بضميمة على طول - 00:14:20

ودي نقطة اولانية لازم نقف معها. ان انت الانسان من غير ما ربنا ينور له ويقول له تعيش ازاي؟ بيعيش في طينة بيعيش في وحل بيعيش في ضياع. لازم تبقى عارف انه الشرع ده نور. ان الشرع ده رحمة. الانج من غيره هنختار - 00:14:40

غلط. هنقيم غلط. آآ هنفك. آآ وده اللي حاصل. دلوقتي مش بتكلم بس قبل كده. لما تيجي تبص لمجتمع الفرس والروم ده اللي حاصل. ملك الفرس اللي هو اسمه ايه؟ كسرى. كسرى ده مش اسمه. كسرى كسرى ده بتاعه. زي ما بنقول ملك ورئيس. بنقول كسرى. وهناك بيقولوا ايه - 00:15:00

هرقل هرقل ده مش اسمه هو هو مسلا اسمه مسلا حسين ها بس هو هرقل ده بتاعه. فلازم تبقى فاهم ده. المهم انه اللي حاصل عند الناس دي تشوہ في الفترة لدرجة فظيعة لدرجة انحطاط اخلاقي وانحطاط ديني وانحطاط فكري - 00:15:20 والقوى بيأكلن الضعيف ونظلم ونذم ونقتل ونبش. المهم ان احنا نرضي شهواتنا وغرائزنا. الانسان بيتحول لكده من غير شرع ولو انت فاكر انه زمان آآ اصل دول الناس من عالم الزلام ومن العصور الوسطى والعصور المش عارف ايه انما دلوقتي - 00:15:40 لأن دلوقتي هي ماشيية كده برضو بس انت اللي اتدحك علينا لما الشيطان حط شوية ميك اب وزين الباطل وقال لك بص الحضارة وبص التمدن الواحد لما بيروح للغرب دلوقتي آآ وانا الحمد لله يعني سافرت كذا مرة فانت اللي سافر فاهم ده. آآ في كده - 00:16:00

زينة كده الشوارع نضيفة والمعمار شكلها حلو والخدمات سريعة والمطار بنمشي فيه بسرعة والناس شكلها نضيف. ايوة انا ما عنديش مشكلة في ده. ما عنديش مشكلة في ده. بس انت ليه شلت الجانب المظلم اللي وصلت له الانسانية - 00:16:20 لأن هي ما عندهاش نور. وانت بتتشوف الناس بعد ما تخشن بقى في تفاصيل حياتهم. لازم يبقى مدمن. لازم يبقى يشرب يا خمرة. يا مخدرات. يا يا بيتعاطى حتى مش لازم مخدرات ادوية ويقعده ياخد روشتات وعشان اكتئابات وانتحارات - 00:16:40 في تحرش فظيع ما فيش يعني من العجيب انك كل شوية تلاقي مسل او او لعيوب كورة او مش عارف ايه او حد مالك صاحب شركة ايه وتحرش تحرش وشوز علاقات اسرية مش موجودة. يعني ايه مش موجودة؟ الاب يستنى ابنه يبقى عنده تمنتasher سنة. الكلام ده بتتشوفه في الافلام. ويقول له انت - 00:17:00

تفضل قاعد في بيتي لحد امتى؟ والابن يبقى عنده ستاشر سنة ويروح يزني ويروح آآ آآ وفي الاخر ما فيش جواز ما فيش اصلا علاقات اسرية واول ما يبقى عنده خمسين سنة بيعته دار مسنين ويقفله اللي هي البيوت اللي للناس الكبار عشان هو مش قادر مش طايق ومش ناوي اصلا يفكر فيه - 00:17:20

في حاجات عجيبة عندهم في حاجات عجيبة وكل شوية ابوك واحد يطلع يبقى ليه؟ عشان ابويا رمانا وامي مش عارف في السجن ايه ده! انت انت ليه بتنسى الجانب ده؟ انت ليه بس شايف المستشفى النضيفة؟ عشان بس لازم تحكم على الصورة - 00:17:40 لا احنا انت مش عشان تأخذ ده هتاخده كله. هتاخده كله. وبقى خلاص العالم بقى ملحد. ورفض الدين وما بقاش عنده هوية اصلا دينية. وبقى عايش عشان شهوات و بعيد عشان يأكل ويشرب وينام ويتجوز يعني زي زي الحيوانات بالضبط اللي انا قلتله ده هو هو ده شغلانة الحيوانات في الدنيا دي. انت ليه انت ليه نسيت - 00:18:00

واتضحك عليك بشوية زينة الشيطان عملها والبهرجة دي. انا ما بقولش ان الزينة دي وحشة. بس انت ما ينفعش تحكم على الصورة كلها بربع صورة بتلت السورة يعني سبحان الله احنا اللي عندها من آآ وانا وانا مش عايز اتكلم في دي لأن انا مش بقارن لأن احنا كمان مش مطبقين اسلام احنا كمان عايشين في - 00:18:20

الله! مش هيضحك على بعض. مش انا اسمي دولة آآ بتنتمي لدين الاسلام ان انا ابقي باطريقه وبالتالي احنا عندهنا مشاكل طبعا. فانا مش باقارن لأن لو قارنت انا هخسر انا بقول لك ان احنا كلنا حاليا بردوا في زلام. وانه الحل الاساسي هو الوحي. على المستوى الجماعي وعلى المستوى الفردي. الانسان لما بيطبق الوحي والله - 00:18:40

ايه هو آآ علاقته باهله بنتظبط وعلاقته بزوجته بنتظبط وعلاقته بولاده بنتظبط وبيبقى شايف شغله ومبسوط به وبيبقى عايش حياة سوية وسطية مستقيمة. هو اصلا احنا في نشاز بعيدا عن الوحي. لأن فطرتنا كده يا جماعة بتشز بتبدأ ان هي تشطح - 00:19:00

تببدأ ان هي تتغاشم لحد ما يجي واحد يقول لك لا اعملها كده بلاش دي المعاملات دي الحياة السوية الحياة الكريمة

الحياة الطيبة مهم قوي انك تبقى شايف قيمة الوحي واثره لما يتusal. عليك على العالم دلوقتي على العالم قبل كده - 00:19:20
دي نقطة اساسية كنا حابين نتكلم فيها يعني. تعالوا بقى نرجع نقول النبي صلى الله عليه وسلم بقى بيقول ايه؟ ان الله نظر الى اهل الارض فمقتهم عربهم واعجفهم الا بقايا من اهل الكتاب. يعني جه وقت على الارض والله بينظر لها النبي عليه الصلاة والسلام قال -

00:19:40

ما فيش حد ما فيش حد بيعدده. كله بيعدده. شف حلم ربنا. يعني كن فيكون الارض دي تتخفّف وخلاص بقى يغوروا كل دول انكم لن تبلغوا نفعي فتنفعوني ولن تبلغوا ضري فتضروني - 00:20:00

بس الله يعمل ايه بقى؟ يقدر ان هو بيعت لهم حد اه يساعدهم وينقذهم رسول عجيبة فعلًا انه طب انت يا رب مش محتاجني وانا عمال اعصيه. وبرضه يسييك. ان الله نظر الى اهل الارض فمقتهم. المقت ده شدة الكره. كره فظيع - 00:20:20

عجبهم كله كان في ضلال الا بقايا من اهل الكتاب الا الناس قليلة كده كانت لسه على الحق يعني. فتعالوا بقى ننزل بقى للحطة الصغيرة قوي بتاعة ايه شبه الجزيرة العربية؟ اللي هي احنا بنسميتها دلوقتي ايه الخليج؟ عايزة تبقى فاهم ان دي نقطة في العالم لما انت تبعص للخريطة اللي احنا بنتكلم عليها في مقابل كل ده كان حاجة صغيرة - 00:20:40

العرب ما كانواش حاجة كبيرة في الوقت ده. فخلينا الاول نشوف هو العرب دول بدأوا ازاي؟ ايه اللي حصل؟ فعارفين طبعاً سيدنا ابراهيم لما اجر سيدنا اسماعيل وسابه هو وزوجته وما كانش فيه زرع وما كانش فيه ارض وقالت الله امرك فقال لها اه قالت اذا لن يضيعنا هنا بدأوا - 00:21:00

عرب من اول هنا. وسيدنا اسماعيل لما خبط برجله وسيدنا جبريل فجر زمم والسعى والقصة اللي احنا عارفينها دی. من هنا بدأت انه بقى في مكان بقى فيه مية وزرع وفيه ناس هاجرت له. من هنا بدأوا العرب. وآآوعشان كده بيسموا العرب كانوا بيقسموهم يعني بس - 00:21:20

في جزء من العرب دول انتهوا. يعني ما جاش من خالاهم سالة اسمهم العرب البائدة. زي مسلا عاد وثمود وكده. آآالعرب بعد كده القبيلة في لما جت في منهم عشان بقى برضه المعلومات دي لزيزة يعني نعرفها. لما سيدنا اسماعيل سيدنا اسماعيل اصله مش عربي صح كده؟ اللي جم بقى من - 00:21:40

اصل سيدنا اسماعيل بنسميهم ايه؟ بيسموهمبني عدنان او العدنانية العرب اللي هم ولد اسماعيل. وفيه العرب اللي هم العرب بقى اللي هم اللي هم القبائل دي اللي اتجمعت هنا والعرب اللي هم - 00:22:00

مية في المية عرب بيسموهم ايه؟ القحطانية. خلاص؟ فعشان برضه دي حاجات تبقى عارفها. وساعات دلوقتي تسمع اسامي مسلا ناس تقول لك اه قحطان وعدنان تبقى خلاص؟ فكده احنا عارفين النبي صلى الله عليه وسلم جاي من نسل مين؟ العدنانية دول. اللي هم ولد سيدنا اسماعيل. ولد آآسيدنا اسماعيل. وده اللي حصل - 00:22:10

والنبي صلى الله عليه وسلم في حديث بيقول ايه؟ ان الله اصطفى كنانة من ولد اسماعيل. واصطفى قريش من كنانة. واصطفى هاشم من قريش. واصطفاني منبني هاشم. يعني ايه - 00:22:30

يعني هي هي سالة كده. سيدنا اسماعيل آآجه من نسله آآبيسموها ايه يا جماعة برضه عشان بقى فاهمين الكلمة دي؟ بطن بطن عارفين البطن ان السوت الحامل بينزل فكان كل قبيلة كده او كل او كل فرع كده اسمه بطن ماشي فدي اسمها بطون. فسيدنا اسماعيل جه منه بطن اللي هي - 00:22:40

آآكنانا. فالنبي عليه الصلاة والسلام بيقول ايه؟ الله اصطفى كنانة من اسماعيل. وبعد كده الكنانة دي نزل منها بطبوطون كتير. خلاص؟ بس الله اصطفى قريش من كنانة قريش اللي احنا طبعاً عارفينها وبعد كده عيلة النبي صلى الله عليه وسلم اسمها ايه؟بني هاشم ويقول اصطفىبني هاشم من قريش. وبعد كده اصطفاني منبني هاشم - 00:23:00

واختارني بالتسليط ده. ان انا اللي ابقي رسول من البطوون دي. فالنبي صلى الله عليه وسلم كان بيحكى الجزئية دي. اه مم تعالوا نرجع نتكلم عن العرب. العرب كانوا عاملين ازاي؟ آآاول حاجة آآلازم بقى فاهمين زي ما يقول لكم العرب حته صغيرة - 00:23:20

اوي خلاص في ارضا صحراوية جبلية فزيعة. وده اللي يخليلك تقول طب هم ليه الروم او الفرس ما يعني ما خدهمش في مملكتهم عشان النقطة دي اه لانه بلد اه اه قصدي يعني مكان صعب اوكي انك تخشه رخم اوكي جبال وحر وصخور - 00:23:40 طوط ونزول وفرهدة. وبعدين دول صغيرين اوكي تحت كده سيبك منهم. ده بالضبط كان الواقع. العرب كانوا يا جماعة في حالهم كده لا بيحتكوا في العالم ولا بيروحوا ولا بييجوا ولا بيتاجروا ولا حاجة كده على جنب كده. كانوا مهمشين. يعني حتى احنا اللي نعرفه عنهم رحلة الشتاء والصيف - 00:24:00

عشان تبقى معي في الصورة قريش كانت بتطلع رحلتين في التجارة. عارفين ايه رحلة الشتاء والصيف دي؟ كانوا بيطلعوا اليمن ماشي؟ والشام انت فاهم الحلة اللي بيتحرکوا فيها يعني هي حلة قد كده في الخربطة يعني. هم كانوا كانوا يعني في حالهم. وما كانش في دماغهم. خلاص؟ العرب طبعاً بحكم ارضهم ما فيش زراعة كتير - 00:24:20 طبعاً اه ما فيش صناعة اصلاً. هو شوية ايه؟ رعي غنم. اه تجارة مسلا في حاجات زي مسلا اقمشة واصوات واوبارات وزيوت وكلام بسيط كده يعني. ده كان ده كان شغل العرب. طبعاً ديانة العرب الاصل انهم على دين سيدنا ابراهيم وعلى وانه في الله بس كل ده اتحرف - 00:24:40

كله تحرك جامد واتحرف من ايام سيدنا نوح. فاكرين سيدنا نوح ايه؟ لما كان بيدعو قومه قال رباني دعوت قومي ليلاً ونهاراً. فلم يزد دعاء الا فراراً. بعد كده ربنا آآ سيدنا نوح بيكلم بيشكى لربنا ويبيقول له بيبيقول له ايه؟ آآ قالوا لا تذرن الهتكم ولا تذرن ودا - 00:25:00

ولا سواعاً ولا يغوث ويعوق ونصرأ. ودوا سواعاً ويعقوث ويعوق نصراً دي ايه؟ دول مين؟ دول كانوا ناس كويسة. بيعبدوا ربنا. فلما ماتوا قالوا ايه؟ احنا بس نعمل زي تماثيل كده لهم. تفكروا بهم فنفترض ان احنا نعبد ربنا ولازم نبقى كويسين وكده. بعد شوية يروحوا للتماثيل دي ويبداوا انهم اصلاً يصلوا لها - 00:25:20

بدأوا يعبدوها وبدأت تبقى اصلاً هي دول اصلاً الة مع ربنا ودول مش مش ناس عاديين وخرافات واساطير. الاصنام بدأت كده. الاصنام بدأت كده. آآ اه فمن ايام سيدنا نوح وعقيدة ان هو الله واحد بس بدأت ايه؟ تتحرف وبدأ يبقى فيه شرك وثنية وده انتشر جداً جداً - 00:25:40

وبقى ده دين العرب. بقى كل شوية واحد يقول على فكرة فيه صنم هنعمل صنم. والصنم ده عارفين هم عارفين ان فيه ربنا عشان بس تبقى فاهم. يعني هم قالوا ولوشن سألتهم من - 00:26:00

والقوم ليقولن الله ما عندهم مشكلة. بس بالنسبة لهم خلاص بقى فيه تحريف عجيب في انه فيه شرك انه الملائكة دول على فكرة آآ بنات ربنا. على فكرة الجن اصلاً هم الة مع الايه؟ مع ربنا. ويبداوا بقى يعزموا الجن. وبعد كده - 00:26:10 نشوف حلة فيها وادي فيدعوا لاهل الجن اللي ماسكين هنا عشان يحموهم ويأخذوا الامان فبقى فيه تحريف فزيع على فكرة الاصنام دي هي اصلاً الة وما نعبدتهم الا ليقربونا الى الله زلفى. فبنعبد الاصنام وربنا بيحب كده فهم شركاء معه. بقى فيه كده بقى - 00:26:30

هو ده الدين. الدين عبادة الاصنام. مع مع الاعتراف انه فيه الله اللي هو الله اه بس ايه بس دي اليها زيه. وخلاص احنا عادي جداً احنا عندنا الاصنام اللات والعزى ومناه وود وسوان ويعقوث واصنام كتير قوي بقى. بقت كل قبيلة على فكرة بقى احنا عندنا صنم اسمه كزا - 00:26:50

واحنا بقى عندنا صنم اسمه كزا. واحنا الصنم بتاعنا اسمه كزا. بقت كده. عشان كده يا جماعة اه لما نيجي نتكلم عن قريش اه هتفهم قريش كانت كانت قيمتها منين بقى؟ وركز معندي في النقطة دي. بس كان بس كان العرب عايشة كده. عايشة على فكرة انه في آآ اصنام - 00:27:10

والاصنام دي آآ عادي يعني. زي اللات والعزى وايساف ونائلة واصلهم كده يعني. والعزة بتعتبر هي الاعز عزهم عشان تبقوا فاهمين ده. عشان كده ابو سفيان في غزوة احد لما كان لسه مع الكفار يعني. وانتصروا الكفار. فقال للصحابۃ لنا العزة ولا عز - 00:27:30

والعزة واقفة معنا النهاردة. سبحان الله! يعني اسلم يعني. آفالصحابة بيقولوا كده. بيقولوا احنا كنا بتعبد الاحجار والاصنام. ولو لقينا في مرة حجر احسن منه مسلا شكله وكده خلاص هنخلي ده الله بتاعنا. كانوا بيعملوا حاجات غريبة. يعني طب احنا مش لاقين اصنام دلوقتي نعمل ايه؟ طب آشوية تمر من او شوية - 00:27:50

الطينة ونجيب لب من المعزة ونعمل شوية حجر كده ونحطه ونطوف حواليه يلا بقى عندنا صنم اهو لحد ما نلاقي صنم تاني يعني. كانوا بيعملوا حاجات غريبة فعلا. وسيدنا عمر نفسه الف مرة انا مرة عملت - 00:28:10

وصالا من عجوة ولما كنت جعاع كلته. يعني ايه يعني انا بقعد شوية فاكلت الله بتاعي. يعني ما فيش مشكلة يعني. فده فده حاله مدیني آآ احوالهم الدينية كانت عاملة ازاي. وقلنا احوالهم الاقتصادية او يعني ما كانش فيه احتكاك وما كانش فيه تجارة يعني تجارة بسيطة اللي هي الرحلات البسيطة - 00:28:20

اللي احنا بنقولها دي. واسواق كتير بقى اوبي بقى. يعني عارفين السوق اللي هو ناس تقعد وتفرش وتحط هم بيشتغلوا بنظام التجارة والسوق دا. آآ وكان الربا حاجة اساسية في التعامل ما فيش تعاون غير بالربا اصلا. آآ خد دي ورجعوا لي بعددين بس زيادة شوية. آآ خد دي بس هترجعوا لي يوم كزا. كان عندهم - 00:28:40

التدريبية فظيعة يعني فظيعة وفكرة آآ التجارة الخمر فظيعة. يعني من يعني لو اسمه تاجر لو بس قال انا تاجر معناه انه تاجر خمر الا اقول لك لأننا تاجر كزا. يعني الموضوع عندهم فزيزع كان بالنسبة للجزئية دي. ولازم تفهم بقى العرب من الناحية اللي جاية دي. عشان مهم اوبي اوبي الناحية - 00:29:00

ان شخصية العربي واجتماعيات العربي فكرة العرب كانت مبنية على حاجة واحدة بس ايه هي؟ القبيلة المجموعة العرب زي ما قلت لكم متقسمين قبائل وكل الناس قاعدة في حته. في في البحرين في في اليمن وفي في شبه الجزيرة وفي عند مكة وفي في المدينة وفي وفي كل حته - 00:29:20

في شوية عرب متجمعين. كل شوية بيتجمعوا بناء على هنا في اكل هنا في زراعة هنا في شوية مایة تقعد فيها وكده يعني. الانسان العربي اتولد جواه كده انه انا جزء من حاجة انا جزء من حاجة اللي هي قبيلتي وانا قبلتي وقبلتي انا والموضوع منتهي - 00:29:40
وانا اموت عشانها. واعيش عشانها. وكرامتني من كرامتها. اتحول الموضوع لحاجة يا جماعة مش زي ما احنا دلوقتي البلد ومصر انا مصرى وانا لا لا لا انتم مش فاهمين. الموضوع عندهم يعني اقول لك بقى دين لأن هو اعلى من الدين عندهم ساعتها يعني. الموضوع عندهم - 00:30:00

بعض هو دلوقتي احنا قبيلة وكل حاجة عندنا قبيلة. وفي بقى واحد ماسك القبيلة دي. احنا اختربناه ده اقوى واحد فينا. ده احسن واحد فينا. ده احكم واحد فينا. ده اللي ماسكتنا - 00:30:20

موضوع بأنه وهي. يعني الرجل ده يوم الصبح يقول لي مسلا كلنا نقوم نجاهد حالا يلا. كلنا هنقوم نهاجر حالا. يلا. آآ آآ انا من قبيلتي وبعدين يقعدوا بقى - 00:30:30

بيقولوا اشعار في نفسهم ويقعدوا يعملوا اشعار ضد آآ قواعد تانية وانا من فلان وانت منين وانت منين وبس هو الحياة عندهم عباره عن انا من قبيلة كزا وبس واحنا احسن قبيلة وانت وحش قبيلة. وده ادي لتعصب فزيزع. فزيزع. انت مين انت قبلت اه امشي - 00:30:40

الله! استنى بس اتعرف علي كأنسان لأن طبعا انسان ايه انت قبيلة فلان دول قبيلة فلان. وده ادي لعنف فظيع. لأن الموضوع العرب كان عندهم بقى الى جانب القبلية فكرة الحروب والخناقة والقتل اسهل حاجة في الدنيا. ابسط حاجة في الدنيا. يعني ايه؟ يعني في - 00:31:00

حروب قامت زمان يعني مسلا تخيلوا معايا مسلا وانا احكى لك ان في حرب حصلت بين دولة كزا ودولة كزا لمدة عشرين سنة بسبب ايه آآ والله اصل في واحد - 00:31:20

قتل الحصان بتاع فلان. ايه يا ابني اللي انت بتقوله ده! هي بقى العرب كانوا كده. اصل في واحد شتم ام واحد. في بيت شعر كده.

فخالاص القبيلة دي انتهت وقتلوا وسفكوا دماءهم عشان ايه يا جماعة في ايه؟ لو احنا بنتكلم على ده دلوقتي الدولة ده مسلا
دوسا مسلا في، حرب مع انسانيا - 00:31:30

اه اه عشان واحد سبق واحد في سباق خيل مسلا. انت تقول لي ايه الكلام الفاضي ده؟ هو ده العرب. اهم حاجة عنده قبيلته والانتصار له وكرامته وما عندوش اي مشكلة في ان هو يقوم يدبح ويقتل ويتخانق ويحارب عشان اتفه الاسباب وياالله. العرب كان عندهم الحلة دي يعني عجيبة - 00:31:50

الاسلام بس. طب ما لکش دعوة بالقبيلة اصلا - 10:00:32

نام جه كده جه حارب حاجة تقيلة مزروعة جواهم. ومن الحاجات اللي بتفهمها عن شخصية العربي اه حياتهم الاجتماعية كانت صعبة. يعني يعني برضو كان فيه الطرف وكان فيه اللهو مش طرف عشان بس اوضح لأن الطرف دي كلمة غلط الطرف معناه يا جماعة واحد عايش معاه عربيات ومعاه اكل ومعاه لبس ومعاه ماشي لأن العربي - 00:32:20

على الزهد متعدد على الصبر على المشقة بتاعة الحياة. فما كانش طرف لا أنا مش قصدي. أنا قصدي الله بقى. الشرب والحلفات والسكر والزنا الزنا منتشر بشكل عجيب. والشرب يعني يعني عايز تقارنه باحوال بلادنا العربية دلوقتي لها موضوع كارثي. الزنا ده أربعية وعشرين ساعة في الشارع اللي عايز فيه بيوت - 00:33:00

يلا والموضوع عادي جداً. والخمر كان عندهم حاجة يعني لا تتصورها. مش مسلا اللي هو بقى واحد بينزل ويشرب في حفة لأ ده هو
كان يصحي الصبح يسخن الخمر ويشربها على الريق. فزي زي الشاي اه زي الشاي عندنا. زي الشاي بلبن خمر يعني هو اه الموضوع
كان - 00:33:20

يعني في في فحش وفي اه وفي دنو اوي في في الاجتماعيات بشكل فظيع. وبعدين المرأة كانت للاسف مهانة جدا عند عند العرب. يعني وده من الحاجات اللي الناس دلوقتي بتتكلم عن الاسلام كأن هو مضيق على الاست - 00:33:40
وهو جه حررها بشكل فظيع من قيود عجيبة. العرب كان عندهم دائما فلسفة انه المرأة حاجة وحشة. هي هي كائن اقل كده دوني ليه يا ابني كده هي اصل هي لا بتحارب ولا بتشتغل ولا بتجيب فلوس فالخلاص ياه اه كانوا كده فباتالي باقي مسلا اللي يخلف بنت يتضايق اصلا هو ده الوأد بتاع البنات اللي هو - 00:34:00

يقتل بنت واحد يتوازى من القوم من سوء ما يشر به. ويتكشف أصلاً ويختلف بنت. وطبعاً مش هتورس حاجة. ومتش هي كده حاجة
كده كائن كده وتروح وتيجي زي ما هم عايزيين حاجة عجيبة فعلاً فتعامل اللسان العربي في اجتماعيات كان كان سيء جداً جداً.
آبس طبعاً - 00:34:20

يجي بقى السؤال بتاع طب هو ليه ربنا اختار العرب بعد كل اللي احنا بنقوله ده ؟ لأن انت محتاج تبص على الحاجات الثانية اللي عند العرب اللي ما يزيدش - 00:34:40

كان عنده حته العصبية والقلبية والهمجية - 00:34:50

والعنف ماشي؟ اه. بس العربي كان عنده مميزات لما لما الاسلام جه كان محتاجها قوي. وبقت المشاكل اللي عنده سهل ان انا انا ازبطها بقى. زي ايه؟ العربي زي ما احنا قلنا في القصص بتاعتنا يومت نفسه عشان حريته وكرامته. شف التاني في الفرس -

00:35:20

الروم مستبعد وزليل وبتاع الهدن بتاع الخدم خلاص هي حياتنا العربي ما يرضاش بکده. العربي يموت نفسه عشان كرامته العربي
موت نفسه عشان الحرية. العربي يرفض الذل والاستعباد ابداً. فلما يجي الاسلام يقول لواحد انت عبد الله قم موت عشان ربنا يقوم
منهم عشان - 00:35:40

موت نفسك عشان الاسلام يموت نفسك عشان الاسلام فاهمين يا جماعة العربي كان بيتناسب الحرية والشجاعة الفزيعة العربي كان
يتميز بالكرامة والحرية والشجاعة فظيعة. النقطة المهمة برضو انه الزهن العقيدة بتاعة العربي اه هو احنا بنعبد اصنام بس احنا
قربيين قوي من فكرة التوحيد - 00:36:00

قربيين او اي منها في حين انه الفرس بيعبدوا بيعبدوا النار اصلاً. فاهمين قصدي؟ والهدن ماشيين في جو وبوزة واصنام واه ما فيش
اصلاً عقيدة وطبعاً النصارى في ضلال مبين. فالعربي كان دماغه آآ قادر تستوعب او اي او اي كلام الوحي. من الحاجات -
00:36:20

المفيدة جداً كان عند العربي واحنا بنتكلم البدن بقى قوي. الرجل بيحارب كل يوم ما فيش حاجة اسمها ان حد ما حاربتش ما فيش
حاجة اسمها انه عربي ما بيضريش. ما بيحاربش وما بيقتلش. فكان عنده القوة - 00:36:40

هندوم نجاهد بيا عندنا مشكلة بيا عندنا كذا العربي كان جاهز. حتى النبي صلى الله عليه وسلم بيقول ان هو كان وهو صغير كان في
حرب شغاله وهو حرب الفجار - 00:36:50

وهو كان قاعد بيقبل على اعمامه يعني عمال يجمع الطوب اي حد في العرب جاهد واحارب ودارس في الموضوع يعني. آآ وطبعاً احنا
سائلين ان هو كان العربي الرجل العربي كان بيتحمل وكان عايش حياة الزهد والتقصيف فلما تيجي تقول لواحد قوم ضحي عشان ربنا
قوم - 00:37:00

قم قم سيب آآ سيب الاكل عشان الصيام سيب كان قادر يعمل كده العربي في حين انه الفرس والروم واشباههم عايشين في طرف
يا لهوي والعنب بقى اللي مش مش هيسيب بسهولة. فالعربي كان جاهز يا جماعة. العربي كان فيه مميزات قوية مهمة جداً جداً الكرم
- 00:37:20

والشجاعة والأخلاق كان عندهم النبل ده ماشي يعني يعني سبحانه الله من القصص العجيبة انه لما احنا الصحابيات جاية تهاجر
وتهاجر ليه؟ صح؟ احنا عارفين ان هم بيهاجروا ليه؟ بيهاجروا عشان هم اصلاً عمالين يعني صح يأزوهم فهم نفسهم اللي بيازوهم
فجت واحدة تهاجر فجه واحد من المشركين لقاها انت رايحة - 00:37:40

انا رايح اهاجر لا طبعاً ما فيش ست تمشي لوحدها بالليل. ازاً تهاجري كده وانت فيقوم هو قام موصلها المدينة في ايام الهجرة
وراجع تاني عادي عشان يعزب تاني يعني هو هو في تناقض اه بس هو في حاجات شايفينها. الحاجات دي ما كانتش موجودة عند اي
حد. الحاجات دي كانت نسبت قوي قوي قوي لاسلام وهو نازل. وبعددين من الحاجات المهمة قوي قوي - 00:38:00
هو موقع بتاع لما قلنا شبه الجزيرة العربية جبال وصخور وصحراء لما يطلع نبي ويبقى فيه دولة آآ الفرس الروم مش قادرین غير لما
يطلع واحد جواهم فسهل قوي يمسکوه. فسهل او اي يضيقه عليهم. فكانت العرب في حته بقى مرمية وما حدش قدر لها. فكانت
مناسبة - 00:38:20

جداً. فيفهم ليه ربنا اختار الارض دي. وليه ربنا اختار الشعب اللي عنده الطباعة دي؟ عشان يطلع منهم. آآ رسول صلى الله عليه وسلم
قال بقى ايه ان الله اصطفى كاننا من ولد اسماعيل واصطفى قريش من كاننا واصطفى بنى هاشم من قريش واصطفافني من آآ -
00:38:40

من بنى هاشم. طيب تعالوا نتكلم عن اخر حاجة بعد ما مسكننا العرب نمسك جوة العرب بقى نخش مكة ونخش قريش. قريش دي
قبيلة. قريش دي قبيلة بطن زي ما احنا قلنا يعني. وما كانتش في الاول عايشة في مكة كانت عايشة في حته تانية. وبعد كده رئيس
القبيلة ده قال لهم بيا هنروح مكة دي وكان فيها ناس قاعدة. قام مطاعهم - 00:39:00
وقدعوا في مكة خلاص؟ وقريش هو ما اسموش قريش. هو اسمه ايه؟ فهر. ودي نقطة مهمة يعني. هم دايماً بيحبوا يسموا نفسهم

ايه؟ القاب ونيك نيمز وبتاع فهو اصلا اسمه فاهر - 00:39:20

ودي حاجة كتيرة هتشوفها يعني ابو جهل النبي صلى الله عليه وسلم سماه ابو جهل وهو كان اسمه ابو الحكم وهو اصلا اسمه عمرو.
ماشي؟ فهم كده دايما هو عنده اسم وعنده لقب - 00:39:32

وعنده وعنده كونيا. حتى النبي صلى الله عليه وسلم كان يلقب باليه؟ ابو القاسم على على ابنه يعني. ومش شرط يبقى عشان ابنه فيسمى يعني آآ ابو جهل ما اسمعلوش ابن اسمه جهل ولا كان بيقولوه عليه في قريش. ابو الحكم ما كانش عنده حد. هو هو اللقب
كده. ماشي؟ فبرضه افهموا دي عشان واحنا بنتكلم على اسامي الناس وتبقى فاهمين - 00:39:42

كويس الموضوع. ففهم ده اللي هو قريش راح في مكة وكانت مليانة طبعاً القبيلة فيها كزا عيلة. وكل شوية بقى خلاص بقت قاعدة
في مكة. وانتم مسئولين عن كزا وانتم مسئولين عن الفلوس وانتم مسئولين عن عن الجيش وانتم مسئولين عن السلاح وانتم
مسئولين عن دار الندوة وانتم مسئولين عن الحجاج وانتم وهكذا. فقبيلة النبي صلى الله عليه وسلم - 00:40:02
ايه بنى هاشم كانت جزء من الایه او او عيلة النبي صلى الله عليه وسلم كان جزء من القبيلة الكبيرة دي اللي هي قريش. وكانت
عايشة في مكة. ايه بقى ميزة مكة - 00:40:22

وايه اللي خلى قريش عند العرب حاجة ضخمة الكعبة قلنا قبل كده انه لا زال لا زالت اه العرب لها بقايا التوحيد في الله. وده بيت
ربنا. هم عارفين ان ده بيت ربنا. آآ بس كل واحد عنده صنم زي ما قلنا وكده. قلت لكم الحنة دي هتفرق معنا قوي. ده اللي هيخلينا
نحس - 00:40:32

قريش حاجة كبيرة قوي. قريش عملت حاجة زكية اوبي. الناس كلها بتيجي تحج. بس بقت تحج مش بس للküبة ولربنا. لا بقت تحج
للاصنام. فاحنا هنحط الاصنام دي حوالين الكعبة والناس جاية تزور الاصنام دي ويبيقى في موسم حج. والناس عارفة ان في حاجة
اسمها حج من ايام سيدنا ابراهيم. بس خلاص بقى الموضوع قبلك - 00:40:52

وبقى على اساسه قريش دي هي السنتر بتاع العرب. وعندنا علاقات مع كل العرب. وعندنا آآ تواصل وسياسات مع كل الناس وبقت
معزمه جدا في عينين كل العرب عشان دول اللي ساكنين عند ربنا فللازم بقى نعزمهم خلاص. فجأة كده خدوا خدوا حصانة
وخدوا مكان - 00:41:12

وخد عشان كده الله يقول آآ ليالاف قريش انهم اتعودوا بيلفوا ايلافهم رحلة الشتاء والصيف. انتمش فاهمين ربنا آآ كرمكم
وازي واداكم مكانة ازي والعرب كلها بتحبكم والعرب كلها بتتعزكم. والعرب كلها عندها علاقات معكم. قريش كانت بتعمل فلوس زي
الرز. عشان - 00:41:32

المواسم بتاعة الحج والرايحة والجایة دي قريش كانت آآ آآ ببساطة جدا بتطلع آآ رحلة الشتاء والصيف طب ليه ربنا قال لهم افتكرروا
نعمتي دي لأن الاصل في العرب اللي احنا قلناهم انه لو واحد طلع بقاافلة يطلعوا ياخدوها منه اصلا. عادي جدا. قبائل بقى ومشاكل
وبتاع. انما قريش كانت - 00:41:52

ساب تتساب لأن دول قريش يا جماعة خلاص بقى دول بتوع البيت فيعملوا رحلات براحتهم يعملوا فلوس براحتهم يعملوا اقتصاد
براحتهم. وده اللي خلاهم يرفضوا الاسلام يعني ايه؟ يعني يا جماعة الموضوع مش انه القرآن ده مش حق او ما فيش ربنا او انت
مش رسول. ما احنا قلنا انهم عارفين اصلا. عارفين الأساس - 00:42:12

اما ايه المشكلة؟ المشكلة انه الموضوع دنيا. الموضوع كلمي وعندی شبهة وفيه حاجة في القرآن مش فاهمها.
الموضوع دنيا. الموضوع انت جاي تقول لهم في ذل انهم عندهم علاقات مع كل الناس واصنام في كل حنة. وعاملين شو كده ما
بيفهم وما بين كل الناس على انه يعني الاصنام والشرك وكذا عشان يفضل فيه علاقات - 00:42:32

يفضل فيه كذا. جاي تقول لهم يعني احنا هنعلن انه آآ لا ما فيش غير الله واحد وكل الاصنام دي غلط وهنكسر كل الاصنام دي. واحنا آآ
ما بنتعاملش بالريا - 00:42:52

خلاص طب ما فلوسنا طب واقتصادنا؟ طب وعلاقتنا؟ طب ومكانتنا؟ طب والناس هتعادي؟ لا يا عم مش عايز العب. دنيا وده وده

واقع عشان تبقى فاهمه واحنا هنتكلم على كده في السيرة اديك فهمت حته هتفهمك ان هم مش ما كانواش اغبيا مش فاهمين القرآن.

ده هم كانوا عارفين يا جماعة هو فيه الله هو احنا عارفين كل حاجة. واحنا عارفين ان دهنبي اصلا - 00:43:02

بس ايه؟ بس لا الموضوع موضوع صالح. موضوع آآ كبير دنيا. فمش هيمنع نفقده لا لا. خلينا زي ما احنا فدي نقطة اساسية تفهمها. عشان لما نتكلم بعدين. فجيئنا انت فهمت اه قريش عندها مكانة وعندها هيبة - 00:43:22

وناس بتتحبها وعندها علاقات ومسقطرة على على الكعبة وبتتحرك براحتها في العرب وبقى اي عيلة في قريش عيلة كبيرة عشان كده عيلة النبي صلى الله عليه وسلم عيلة كبيرة. اه عيلة النبي صلى الله عليه وسلم بنى هاشم بالزات كانوا هم اللي ايه اللي ماسكين السقيا. واللي ماسكين رعاية الحجاج. لانه جد النبي صلى الله عليه وسلم اللي هو من - 00:43:42

بن هاشم هو اللي اكتشف زمم تاني بعد زمم كانت يعني ايه اتنست واتردمت وما حدش كان لاقيها. هو آآ عبدالمطلب جد النبي صلى الله عليه وسلم هو اللي تاني فبقت تبع عيلته فبقت العيلة دي هي اللي مسؤولة فبقت عيلة عيلة مكرمة وكبيرة. ودي نقطة اخيرة تعرفها عن العرب. في العرب عشان تبقى انت عندك مكانة - 00:44:02

مش لازم تبقى غني. مش لازم تبقى معك فلوس كتير. النبي صلى الله عليه وسلم عيلته ما كانتش معه فلوس كتير. ومش دي المشكلة. الفكرة انك تبقى شريف الفكرة انك تبقى عندك كرامة وشخصية. وعيلة النبي صلى الله عليه وسلم كان دي اكتر حاجة بتميزها. وده عشان ما تتلخبطش لما بعد كده نقول انه عمه ما كنش معه فلوس او - 00:44:22

هو طب ازاي بتقعد تقول عيلة كبيرة عشان مش الموضوع فلوس بس. لأ الموضوع حاجات اكتر من كده. فدي كانت قريش. آآ النبي صلى الله عليه وسلم اتولد في عام الفيل. واظن اكيد كلنا عارفين قصة ابرهة اللي جاب الاافية وكان عايز يهد الكعبة. فالنهاردة احنا هنقف عند عام الفيل - 00:44:42

النبي صلى الله عليه وسلم اتولد بعد موضوع الفيل ده لما ربنا انزل عليهم طيرا ابابيل ترميهم بحجارة من سجيل فجعلهم كعصف مأكول. العرب الموقف ده هزها تاني انه فيه الله وفيه توحيد وكانت أنها حاجة بتفكيرهم قبل ما هينزل النبي صلى الله عليه وسلم ويروحى اليه ويتوارد - 00:45:02

انه احنا جايين نتكلم في الموضوع ده تاني. فالنبي صلى الله عليه وسلم اتولد بعد الموقف ده بخمسين خمسة وخمسين يوم هنقف هنا النهاردة. بعد ما فهمنا العالم كان عامل ازاي؟ متقسم ازاي؟ مين اللي بيحكمه؟ مين الكبار اللي فيه؟ دينهم ايه؟ اه - 00:45:22

آآ اجتماعياتهم ايه؟ الضلعة اللي كانت موجودة. والعرب دول طلعوا حته عاملة ازاي ومش واحدين بالهم من حد وقريش دي جت مينين؟ وازاي قعدت في مكة وليه كانت معزمه او في العرب؟ وشخصية العربي كانت عاملة ازاي؟ دي الحاجات الاساسية اللي احنا اتكلمنا فيها. ومن المرة الجاية هنتكلم عن النبي - 00:45:42

انا بقى لما اتولد ومين امه ومين ابوه وايه اللي حصل وهو صغير وهو طفل بيلاعب وبعد كده لما كبر وبقى شاب واتناشر تلاتاشر سنة كان بيعمل ايه قصص جميلة جدا بازن الله نكم معها. فنقف هنا النهاردة وسبحانك الله وبحمدك اشهد ان انت استغفرك واتوب اليك. السلام عليكم - 00:46:02